

影印
文淵閣

四庫全書

影印

文淵閣四庫全書

第一三五三冊

北京出版集團公司
北京出版社

本冊目次

五百家播芳大全文粹(二)

宋

魏齊賢
葉棻

同編……………一

欽定四庫全書

集部

五百家播芳大全文粹卷四十九

五十

詳校官編修臣謝振定

助教臣常循履勘

總校官編修臣王燕緒

校對官中書臣李荃

膳錄監生臣梁徵

欽定四庫全書

五百家播芳大全文粹卷四十九

宋 魏齊賢

葉 榮 同輯

通啟

通易尚書啟

朱湛廬

候長沙之星慙叨分間望尚書之斗喜在鳴珂已脂轄
以首望亟擘牋而抒敬恭惟某官輪囷奧識約爛高文

欽定四庫全書

五百家播芳大全文粹
卷四十九

紅錦賜袍登仙仗鸞坡之上紫荷持橐在屬車豹尾之
中頽頑飛霞簸弄明月方欲作郊祀之歌以粉飾禮樂
抑且規帝王之制而裁成典墳忽觀滄海之浮雲盡付
黃梁于昨夢詩書之教鵠舌天令變于姬姬吟詠之落
鳥蠻人競傳于欵乃騎鯨過去跨鶴俄還竊惟平生討
論述作之工實得前日寂寞寬閒之力崑崙碣石細箋
禹貢之山川鄉遂井田增釋周官之制度已驤騰于紙
價頗傳習于經生向使黃扉紫闥而益顯其身安得玉

佩瓊琚以大為不朽殆天心之有屬豈世俗之所能知
舒卷隨時寧久篋中之團扇論思有詔即還坐上之青
璫某猥以庸才荐膺重寄繼常侍湖南之詠自顧非才
聽任公戶下之規願安承教

通王侍郎啟

王邁

少而抱慙久瞻魁宿于璇霄壯也彈冠行覩德星于珂
里雖素于左右殊無介紹然見之方冊不昧平生敬飭
訥詞借于嚴分恭惟某官任重而道之遠表粹而裏則

欽定四庫全書

五百家播芳大全文粹
卷四十九

二

剛方在韋布之時已負搢紳之望碧雲章句號閭苑之
謫仙黃甲科名叶湘川之佳議別蠹芸館含香錦圍翠
節朱幡幾沛黍苗之雨紫薇紅藥曾依香案之雲方為
禁從以小留乃壓神明而丐去十連為帥方蘇凋瘵之
氓五嶺皆炎變作清涼之境胡然為衆所忌正坐其名
太高一壑未歸六丁莫挽髮為憂邊而半白心思報國
以常丹冠公不入中書莫答璫珠之問裴相方游綠野
其如柱石之衰佇下綸音徑思國柄伏念某弱惟殖學

貧只賣文固嘗感慨于事功其奈關心于場屋天庭對
策妄陳憂國之孤忠末第書名何惜避人之三舍來傍
蓮池而漫仕已驚仄戍之過期胡遲其來蓋恐素官之
無譜或贊其決以有違尊之可師惟顧矜憐臭味之同
庶有終始帡幪之託俾遂親養得遣官箴揚儀之無材
力之可稱正深廩廩宓子賤待老成而後決尤切拳拳

通周太尉啟

洪景伯

近長安之日記陪天上之游對江東之雲健想軍中之

欽定四庫全書

五百家播芳大全文粹
卷四十九

三

樂無從抵掌祇有傾心恭惟某官氣稟西山聲搖赤壁
號萬人之敵名在伏波翰墨之場當八面之鋒勇過晏子
樽俎之畧中國噤吸之既固外夷心膽之既寒況以真
將軍堅壁之餘風而奉太夫人安輿之一笑忠孝兩盡
若是艱哉文武兼資特其細爾功既高于敵愾當未稱
于酬勞撫中權于天塹之陽懷遠笑于祁連之北雖講
止戈之武不忘擊楫之心江漢草木之知名坐底三邊
之靜山河帶礪之中誓魚膺兩鎮之勞某榆莢生涯菊

花歸夢月明鵲繞每思磨橫樂之詩秋高馬肥敢後寄
加餐之字

通待制辛帥啟

林豈塵

疇庸北固易鎮南昌崇舍陰濃頓改江山之舊松階望峻
載觀戟纛之新先聲鼎來闔郡欲舞顧趨承于秉屬尤
感發于私衷蓋謂自三光五岳之氣分嘆英豪其有幾
更四聖百年之治足慨功業之良難早聆季子之來歸
衆喜夷吾之復見使表餌得行其策則規恢豈俟于今

欽定四庫全書

五百家播芳大全文粹
卷四十九

四

方期父老之椎牛開闢持勞豈謂兒童之竹馬夾道俟
迎抑九重深軫于此方乃三錫重勤于老手恭惟某官
蓄雄剛之至德負卓越之奇才九卿高惟月之班四國
徧予蓄之績維是胸中之湖海飄然與造物者游發為
筆下之波瀾殆非食煙火人語脫畧軒裳之表逍遙岩
壑之姿然而當世望其有為吾君引以自近旋由次對
荐畀輔藩居中則可寢謀于淮南捍外則尚何憂于江
左雖咽喉之內地實襟帶于上流眷顧周行見大夫無

可使者儀圖宿望一敵國豈不隱然不妨玉節之重臨
佇聽金甌之有命某低徊一第遭蹇半生素亡踰人矧
未更事猥玷公朝之荐口重慚計幙之素餐會逢十乘
之啟行欣托二天之覆露豈若秦之視越瘠當不動心
倘如晉之用楚材或堪為役

通留經畧啟

王弱翁

西洛耆英嘯傲三公之府南宗冷宦依棲數仞之墻先
上日以通名望下風而起敬竊以先達之于後進世族

欽定四庫全書

五百家播芳大全文粹
卷四十九

五

之于素門勢分固殊投合亦寡惟元城之在宋問業有
徒與了翁之居淮及門者衆而况三朝元老之適嗣一
代人物之宗師稍有知識皆知歸向恭惟某官文章奎
壁德望華嵩忠孝通乎神明出處關于世運故國謂有
喬木稱到于今後人猶愛甘棠何況其子肆春秋之鼎
盛歷中外以游揚郎省陞華風采耀鳴珂之列邊庭出
使笑談獲全璧之歸持麾把節于湘中易地建臺于江
右仁心撫字山林野史之屢書陰德平反道路口碑之

交頌開十連之帥間屹百粵之長城惠行而龍戶驩呼
威肅而鯨波恬靜奈外地去天之遠而浮雲蔽日之明
一壑來歸六丁莫挽蓋韓李家傳之清白素所服膺而
金張勢燭之薰蒸耻于炙手勁草當疾風而不改寒花
于晚節以尤香種樹山中白傅唱風流于九老植槐庭
下魏公傳事業于三郎傲睨軒裳追隨觴詠勝事園林
清時鐘鼓如許清閑上天將相孰為輕重平地神仙此
固衣冠之美慕其如冕旒之簡懷欲副岩瞻行膺枋用

欽定四庫全書

五百家播芳大全文粹
卷四十九

六

伏念某癖性視古樣不入時對策廣庭徒有空臆盡言
之直校文列陛乃罹疾聲大呼之讒比求宗邸之冷官隨
得翹林之化筆未能適道敢為好事幸大州本父母之
邦而年家忝子弟之列誘掖之以藥其失推輓之以玉
于成既有耆德以依歸庶免生徒之嘲訕熏和染教期
為王孫公子之範模舉滯拔淹全賴察父哲兄之提挈

通安撫衛大參啟

李漢老

書生漫仕抗塵縣掾之卑卜史涓辰隸役帥連之下藐

塵埃之薄領跂霄漢之符章斐然脩詞甚矣犯分恭惟
某官造道自得經德不回退然得聖人之清進則任天
下之重外凌雲之未剪內偃月之方深去而違之十載
孤舟之橫水時乎可矣一朝巨棟之擎天不負獨對衮
衣之詩盡洗兩造吾門之誚入參國論出庀官方卒以
道而屈伸初何心于止速在外則植旗旄羅弓矢公豈
此榮其功之銘鼎爨播絃歌士誠有望不謂聽麻于文
德轉而分竹于武安長沙千里之平古稱清絕洞庭九

欽定四庫全書

五百家播芳大全文粹
卷四十九

七

州之大新困繹騷茲勤二三執政之行殆非尋常謀帥
之比自天有命固已興宣室之思惟帝念功寧久作南
邦之式暫撫湘纍之蘭芷即歸商鼎之鹽梅民無不獲
之天公有無窮之聞某起家素賤受質朱愚學不全人
空守嗜書之癖飢來驅我遂生竊祿之饒不虞小吏之
凌兢自託大鈞之塊比遷俊造而厠下列嘗累一陶甓
章服而揖上官惟當三沐

通浙西袁安撫啟

李漢老

十年幕府負公事未了之癡千里王畿隸華使周爰之
度聊步邯鄲之故欲瞻京兆之真輒脩偶儻之詞薄叙
畸孤之迹伏念某學惟洛誦家本唐餘因應試而情農
遂去民而就吏昨貪近祿浪賦遠游歷井捫參再造魚
鬼之國逾汚入渭兩經鳥鼠之邦偶爾得歸置之勿論
茲操破釜來問大鈞辱令芻狗之陳更贊木牛之運舉
頭見日良忻咫尺之天滿腹飲河政不過斗升之水然
非有萬間之茆若為三匝之依伏遇某官器博而周材

欽定四庫全書

五百家播芳大全文粹
卷四十九

宏且毅無曲學以阿世言言博士之風不錮人以收功
挺挺司徒之烈徧儀撫仕具載休聲惟長安諸夏之原
視商邑四方之極宜得翁歸之公潔仍蕪廣漢之聰明
美印無以易堯持教使之告舜京師浩穰已迎必肯繁
之間侍教論思即聽屢凝嚴之上尚念某不堪位置何
足控持效韓愈謹奉大尹之書非為文也慕劉向獨序
馮翊之傳尚有志焉

通楊安撫啟

危昭德

疏榮中禁移鎮上流曉行湘水之春想難攀于舊轍日
賞峴山之景已近聽于來音拜履未遑馳箋徑達恭惟某
官千齡異稟四海芳名得于忠厚之傳加以淵源之學
政方流于花縣聲已達于楓宸屬多壘之為憂至奪情
而強起虎符竹使甫臨鎮于近邊霍啖風聲已飛傳于
遠塞過師枕席之上折衝樽俎之間底定武功升文華
監忽遠長安之日去開衡山之雲平李愷之糴以脩凶
荒明皋陶之刑以肅奸宄紅旗破賊既飛捷于九天黃

欽定四庫全書

五百家播芳大全文粹
卷四十九

麻似經知告庭之即日適以封疆之慮尚勤鈇鉞之臨
惟是襄州甲于京介最風寒之要處實天險之奧區屬
時傷創之甫寧如人虺羸之方起血脈正資于護養精
神未暇于飾脩此問甲兵既非晉人之犀利旋觀營壘
亦非諸葛之規模望公之來以日為歲得李牧而為守
匈奴豈足憂哉有克國以屯邊羌人不敢動矣上既寬
于北顧公即慶于東歸鎮撫有餘經綸何限某適官期
之甫及服吏役以惟新白鹿陂頭猥贊碧油之寄青牛

關外忽傳紫氣之臨遙瞻行李之光深切望梅之意有
河陽之幕以致溫造雖愧非材勒淮泗之碑以頌晉公
已思濡筆

通李制置啟

朱復之

分楚服以殿藩冒膺寵數控吳都而制閫近接聲光星
聯軫埜以在天水會江流而宗海志同氣合賤往神馳
恭惟某官伊尹佐王之才班馬傳家之學淮壖八議篇
篇玉鑑之秋帝學一書字字金莖之露曩游碧落密侍

欽定四庫全書

五百家播芳大全文粹
卷四十九

十

清光挾雲漢而分天章將上規于典禮呈琅玕而叫閭闔
請下採于芻言身歸岷峩名滿宇宙以彼外庸之績摠
此要衝之權昔天下曹劉走馬跳兵之地迺禁中頗牧
輕裘緩帶其間根本內強風寒外護若周公瑾之方畧
與陶士行之經營使人慨興千載之思惟公豈在二人
之下江山如舊斷為烏鵲之南飛苑落可依尚使犬羊
之北走將蓋慨于上策以共濟于中興某舊辱深知今
慙並命在珠側而我穢章鄰照之見分其波及者君餘

愧上游之不逮

通葉憲使啟

戴翼

東壁清躔暫領繡衣之斧南昌小吏喜依玉節之麾誓
以身歸大造之陶鎔瀝此膽于細夫之竿牘犯嚴造次
俟命凌兢伏惟某官學老而文秀人今而道古真貫日炳炳六
泰階之昭符勁節凌霄岩岩九華峯之鍾秀所養者得
孔孟聖賢之定力故發而皆變高遠大之奇勲自登龍
虎之上游遙屏驂駟之雋軌三異奏庸于花縣十行促

欽定四庫全書

五百家播芳大全文粹
卷四十九

十一

觀于楓庭綸院褒揚官無冗爵計司豐衍軍不乏需當
明天子不諱之時居大丈夫敢言之地嘉謀告后鳳鳴
于岡而梧桐以生正色立朝虎猛在山而藜藿不採望
峻回天之力華陞維月之聯方觀要路之橫翔胡乃急
流之勇退蓋天欲救細民于積年之涸轍故上特畀明
公以十道之祥刑除命甫馳列城交疎豪黠私相顧而
喪魄閭閻得一笑以伸眉蘇孺文果不受故人之私范
孟博真有清天下之志雖江右總十一州之地願駐蹕

惟恐朝廷不三五日之間別頒褒璽某蜉蝣小用芻狗棄才家貧而笑饘粥之無田技拙而藉詩書以為業衆徒庠序飽二十年學舍之蠶鹽負米朝脯奉八十歲親庭之菽水雖鶚板屢年之捷奈龍門萬丈之高迨于癸未之春始玷慈恩之列仕不擇祿急于為親第一尉如綫之微而衆務棼絲之集矧茲劇邑之重尤非謏材所堪倘無歸向于中寧免譴訶之及幸戴二天之在上庶幾一日之能安河漢占星漸喜近熒煌之坐樓臺得月

欽定四庫全書

五百家播芳大全文粹
卷四十九

主

願永依臨照之光

代通四川趙茶馬啟

李漢老

分已跡之旗旌濫膺守土占益州之分野知有使星欣竊庇之自今愧修辭之已晚恭惟某官風猷凝遠天韻宏深博極羣書太乙之藜相照文燄萬丈長庚之夢不虛藉未陳周召之詩書亦宜獻間平之禮樂恬為丞之再轉甘出守之一麾刻銅虎之符旂揚美最護木牛之餉益茂膚功謂宜運海以搏鵬又使摘山而市駿周原

之茶膳膳包以緇奩魯坳之馬駟駟爛如雲錦豈容黔突行有紫泥某頑頓之資疎鹵於事將指以出濫持天子之節旄無功而還不得月氏之要領敢意冒升于荷橐且令假守于銅梁有如凌兢仰荷含度東西之瞻使節倘未賦于旋歸前後之間清塵尚有餘于同味

通王泉使啟

洪景伯

帥聞疇庸治臺陟罷行行且止而避御史威望素高皇皇者華而遣使臣利權增重八鸞蒞止百雉聳觀恭惟

欽定四庫全書

五百家播芳大全文粹
卷四十九

主

某官氣直而剛學純且博垂大名于方冊之上殆四十年表清規于縉紳之間纔一二數入選翔鴻之序進升戎勇之班當瀾倒之衝而定力不移有壁立之風而危言自信人方患積薪之勢公獨為曲突之謀發巨奸于間不容穢之時制火變于危如累卵之勢盡奪羣邪之氣復開衆正之途雍齒且侯魯連已去吾在汶上矣誰謂留行君薄淮陽耶不妨臥治方寬北顧又趣東來闡天地之藏于咲談運造化之功于掌握不勞笏畫自見

錢流雖心計之長正難其人然風采之著寧久于此立
九府之圖法小施橐籥之功陳六符之泰階即試鈞陶
之手某自甘獨冷共咲太清久矣獲從諸公之游今焉
韋際一世之望倘許執經而問難庶幾就道以漸摩江
左之見夷吾何難富國汝南之有顏子正賴鑄人欽嚮
惟多鋪張罔究

通福建李提舉啟

方蒙

躡跡鵷鷺嘗望魁躔之色叨榮壯駱得親使節之華平

欽定四庫全書

五百家播芳大全文粹
卷四十九

十四

生素見許以襟期聯事又相關于脈絡喜而不寐辭以
見情恭惟某官貫日忠精彌天聲價奪龍頭而鼓餘勇
早嘗空冀北之羣執牛耳而主齊盟今見推斗南之一
頃鄉鄰之有聞入帷幄以贊謀迄今五羊之境安全藉
六鰲之名重其出處進退之際乃理亂安危所關遂上
蓬山胸著青藜之劉向至躋粉省眼空皓首之馮唐幹
魁柄惟少遲之扈屬車豈不可者屬時皇上惠顧閩中
潤四方霖雨之恩普一道福星之照公舉刺而吏貪之

盡洗薄征歛而民力之頓蘇凜然如大行臺謹焉號真
刺史然而時尚多故事有至難百年之局面轉危諸賢
之國手可想力不弘固無以勝此任用未盡亦何以責
其功世道如斯公等安在野由膚使徑拜頭廳永器槐
位之芬芳大究菊坡之事業某去國三暑錮身一寒懶
再乞于鏡湖欲永尋子盤谷忽叨乘傳莫許循牆顧筋
力之支離且聰明之殫淺非得使者體何為馳原隰之
車政恐好事人欲勒回山林之駕幸是觀風之部最為
近水之臺甘苦必均休戚必同有無相通緩急相應
與故人飲雖非廬訪之所宜為君子僚惟願歲規之樂
告

欽定四庫全書

五百家播芳大全文粹
卷四十九

十五

通潭州馬通判啟

榮膺宸綽顯貳价藩千里展長沙之平古稱清絕別駕
居刺史之半今得仁賢先驅有嚴和氣已溢恭惟某官
材猷凝遠識度閑夷勲業終歸于伏波雲初固在方畧
何如于封虜風烈隱然久載休聲宜躋華貫尚屏星之

借重使湘水之安流清風明月之平分折瓊枝而繼佩
高蓋華軒之一丈齊玉軼而並馳邦國不空公侯必復
某失身副墨食志勾朱綴簿上而趨閣前繞枝已久采
水中而塞木末託塵方新尚微風雨之幘幪庶免塵埃
之簪楚

通王知縣啟

方巨山

天各一方幾費池塘之春夢地方百里適分鄰壁之夜
光矧同班飛太史之鳬敬憑積傳故人之鯉時其後矣

欽定四庫全書

五百家播芳大全文粹
卷四十九

去

喜則楚然恭惟某官落霞孤鶩之英辭舞雪游龍之妙
墨斗以南斗以北猶為奎宿之躔江之東江之西兩贊
使星之幙曩聞畫諾備極拊摩予以知寶婺之源賴有
此玉山之秀畫簾嘗寂夜戶自恬大夫曰賢何乃奏瑤
琴於五柳之縣天子有詔爾其鏘瓊琚于萬笋之班某
一拜以還幾年于此憶買犢荒山之底誰念吾民之最窮
想停驂野驛之寒曾拜君侯之大惠敢不三沐願聞一
言堯舜為吾君民毋憂掣肘魯衛之兄弟繫欲比

肩翹企金音庶幾玉我

狀

謝董侍郎舉狀

李漢老

隨驃騎之幕濫備執鞭剡公車之章遽蒙推轂心感恩
而欲白面抱愧而發紅伏念某生多艱從宦尤拙貴人
令其出門下既不善于走趨大夫羅而至幕中亦備勤
于收拾豈謂半年之內復為千里之行治法征謀紛紛
未定幕書檄筆錄錄無奇然白日實照其精誠則赤雲

欽定四庫全書

五百家播芳大全文粹
卷四十九

去

可占于勝氣况值匈奴百年之運必復春秋九世之仇
颶犀扎而咤犂旌在此行矣封龍頤而獵麟脚竄有望
焉曾未輸橫草之勞何遽辱采蘋之薦之吳下阿蒙之
學顧曰淹該無江南子布之詞及云典麗裨益之功甚
寡獎予之實何多伏遇某官以社稷臣為詩書帥孤忠
可貫于日月至誠之足達于天淵一鶴一琴人皆望清
猷之出萬牛萬甕賊必待崇文之勤佇觀十乘之行大
作三軍之氣繫單于之頸慰祖宗在天之靈犁匈奴之

庭為疆敵侵邊之戒于以峻旂常之績歸而策鼎鼐之
新凡在紅蓮綠水之間必入赤箭青芝之用某敢不
力磨其鈍圖稱所蒙揮羽銘山敢樹文章之小技冶金
伐石願歌竹帛之大功

謝聶侍郎薦舉狀

戴翼

二年岩邑分甘梅隱之淒涼一秩公車言重荷囊之論
薦榮甚初宮之破白恍如再第之取青方目警一鶚之
書復手捧雙螭之翰椿松為之動色桃李自此生輝捫

欽定四庫全書

五百家播芳大全文粹
卷四十九

文

心知歸稽首以謝竊以向陽之木每易以為春鬱澗之
松最難於見日地勢之遠近既判人情之取舍亦然故
迹不在閣下之庭雖昌黎未免于疑信而言必近堂上
之聽斯驥茂獲預于提撕矧薦舉之選甚艱而職令之
員尤挾因循近日奔競成風下之人急于求故惟任私
情而不恤于公論上之人難以應故止及近地而無暇
于遠方乃欲破去拘攣之見而一付于公務求質實之
才而不遺乎遠此則寒峻中千百事也其在當路不一

二見之如某者崎嶇半生僥倖一第竊祿以迎侍親老
菽水常甘潔已而佩服官箴槩冰自厲故處生數百里
外常凜然如臨大府之前雖守官一二年間欲自此以
行平生之志祇自謹于修飭初不求于聞知敢期王公
大臣于采訪之中獨取小官下吏于疎遠之地古道自
任今人所難細論華路之褒揚實倍他人之倫等舉詞
多兩句而止今則二十字特書而最榮常例以照牒為
先茲馬合一道奏狀而俱發似此眷遇異乎尋常誓當

欽定四庫全書

五百家播芳大全文粹
卷四十九

文

終身敬事斯語佩力學奮身之訓則他日當無負于所
舉誦能官得意之言則異時在無曠于厥官政欲助其
長則思匪懈于公勤事欲得其平則願益精于剖決恪
守四知之戒倍殫千慮之疑庶弗辜推轂之恩或可為
銜環之報茲伏遇某官清朝元老正學宗師東省西樞
參贊經綸之寄重出藩入從論思撫士之功全既出為
天子拯此方溝壑之民必須此人才為異日鈞陶之用
遂令庸瑣亦預選掄某敢不勉奮孤蹤力堅晚節持一

念不貶之學為異時誓報之圖自顧何人既辱玷山公之
之啟當思許國謹毋荒陸氏之莊過此以還未知所指

謝陳提刑舉狀

經年夜雨誰憐泮芹之清一日春風忽破庾梅之白郵
筒飛墜奏牘光搖競看大使之文書乃覩小夫之姓氏不
與釘金之記竟叨褒袞之榮品題十六字以甚嚴銘刻
千萬言而不足竊謂先朝立薦舉之法是乃累聖開功
名之途不謂昔日網羅英物之公轉為後來周旋人情

欽定四庫全書

五百家播芳大全文粹
卷四十九

主

之具求而得也弗求則不得也倖途既開賢者與之不
賢者亦與之濫竽寧免柳下惠之阮卑官臧文仲不能
引絳老人之困泥塗晉趙武弗及知養成一世奔競之
流遂致四維操履之玷故臨難無錫節之守而居官多
曠位之愆在承平猶以為非况艱難烏乎曰可自非孤
風之卓立夫豈頽波之易回激揚之間趨向所決若某
者心固動而德弗進年齒寢宿而意不揚雖聞先生長
者之言粗知古道然滯經生學士之業猶汨虛文頓懷

綉組之慙欲求耕獵之實偶投足于塵埃之地莫安心
于禮義之容衿佩競趨于城隅絲竹不聞于堂上鄉隣
之聞猶纓冠而往救門外之寇敢遽席以偷安當同舟
遇風之時出位不顧奮執戈衛社之勇非學而能義有
當然功非所計在泮水獻馘幸依魯僖之賢息潢池弄
兵盡在龔公之化曾非一介若有寸長寡其過而未能
無所學之可取胡得之于物論併舉以為已榮伏遇某
官崖畧甚高戶庭無壅登車有天下之志允藉澄清推
轂追古人之風不由請謁元使君當路萬物吐氣烏大
夫秉鉞多士拔尤使致妄庸亦蒙收錄某敢不益加砥
礪無負陶鎔拜官公朝謝恩私門敬奉羊侯之所戒過
非衆人待以國士當圖豫子之未能感激無窮數宣曷
既

謝彭黃堂舉改官狀

鴉飛春雪方蒙褒袞之華鶚送秋章又預誥金之賜化
治幹旋之力重師門成就之功深百拜周章萬分榮感

欽定四庫全書

五百家播芳大全文粹
卷四十九

主

竊以薦敷一路固欲拔乎人材得失兩歧亦有關於造
化垂成幾壞曾嗟薦福之碑已失復全或反相如之璧信
于中自有消長乘時之理而在上實司轉移闔關之權
苟或得成大非偶爾某者蹢躅不武拙訥無文百不逮
人一惟安分欲動叔向之聽既乏蠟言要求子公之書
又無蟻援甘委此身于造物敢蒙榮望于窮途惟老天不
棄于孤寒故今日欣逢于特達方自下車之始游蒙推
轂之誠薦以序陞俾之出幽谷而遷喬木還之京剡甚
欽定四庫全書
五百家播芳大全文粹
卷四十九
主

詠罔既編摩

速迎 攀違 辭 先狀

迎蔡相裕陵還闕狀

伏審竣事西陵還轅北闕祗奉祠于虞幄行稅鞍于都
闈即遂瞻承良慰傾佇

迎文太師到闕狀

側聽德音睠思國老謂夙欽于勲望故渴見于光儀詔使
旆以屬途慰邦民之延首炎陽貫序勉馳輦洛之郊飛

欽定四庫全書

五百家播芳大全文粹
卷四十九

主

蓋臨風佇迺宣溫之戶某式處在位阻候行郵伏祈上
為廟朝益調寢饋

迎鄭資政狀

伏承飭行自蜀修覲還朝旋聞駟刻之來繼有宮祠之
請雖榮安自便聊適于雅懷而傾矚攸同未厭于輿誦
念山川之渺遠丁暑雨之裨延跋涉良勤遵頤曷若輒
寓誠于竿牘庸伸敬于記曹其在詠恩併留前叙

迎文太師入覲狀

伏審肅颺台旆來觀帝庭寤寐粹容即奉清閒之獎馳驅大道罔辭次舍之勤屬春律之始和諒福襟之牢固側聆車馭將屆郊圻佇遂觀瞻預增欣抃

迎韓相入闕召以南郊陪位狀

伏承顯膺嚴召聿相大祠渴舊德之儀型留精衷之寤寐都人屬目共瞻車馬之輝光裡僚陪客佇接珩璜之步武未階觀覲預切忻翹

迎李戶書狀

欽定四庫全書

五百家播芳大全文粹
卷四十九

五

伏審顯膺名節入覲嚴宸解全蜀之金龜臨西秦之周道抗搖搖之旆將憇于近圻觀兩雨之符佇披于華采緬惟福襟冲裕使騎勤煩爰冒秋炎尚留館傳即階迎合預切瞻翹

迎韓相自洛西由闕判北京狀

伏審肅馳大旆肆近路朝都民係道以言瞻宸宸注懷于來見矧惟幕屬之舊尤佇衮衣之還方冒沍寒尚勤行色冀順寢興期屆禧祥

迎戶部陸侍郎狀

伏審解符邊閫貳秩省闈方祇命以造朝已抗旌而遵道屬在暄妍之序諒多跋涉之勤將獲披承併紓傾係其為忻懌未易究言

迎范戶部狀

伏審顯膺名節入覲嚴宸解慶節之冰符臨西秦之驛道隼旗抗路將覲于前騶星弁盍簪佇聆于燕語緬惟陽春偃薄福履冲安方垂轡之尚勤冀興居之益護

欽定四庫全書

五百家播芳大全文粹
卷四十九

五

迎張宣猷狀

遠驅台旆甫次國都朝論且依上心虛佇阻于官制莫遂郊迎冀趨命之弗違副瞻風之已久

迎永興李實文狀

伏審光奉宸恩易綏帥閫旌牙就道將布政于河湟單騎戒行方指途于嶠渢矧屬睽風之久可期晤語之歡適此凜寒尚勤館穀諒惟賢德倍協和倪併俟披陳悉數翹仰

迎新守謝寶文狀

切承使旆已次府圻諒惟涉履之勤克協康寧之福即
趨候館以望星躔併紆幅臆之誠用釋睽違之久其為
欣仰莫或喻云

迎呂龍圖知太平州狀

伏審肅馳戎旆將屆府城惟茲跋涉之勤爰冒炎敵之
末想惟妙養無爽太和即遂參迎庶殫蘊懃更祈保佑

益副翹誠

欽定四庫全書

五百家播芳大全文粹
卷四十九

五

迎周漕使狀

伏承遠馳台旆俯及嵩郊屬時霰之粉零冒駟途之凝
返切惟行李倍想艱勤某限官守之有常阻畿封之納
謁冀加調護副是係瞻畧布柔函迎通典記

迎呂秦州狀

伏承改帥西秦解符舊陝歷關河之阻將及于雍郊均
牛酒之歡暫追于里社竊惟勤勞華轡偃冒風埃德履
保和道襟集社某佇諧迎晤冀釋瞻翹倍祝養順下符

依仰

迎程參謀狀

肅馳大旆將次近坳顧慕義之無從喜瞻風之有便恭
惟台官英才經世遠畧過人仰膺當宁之知出任臨邊
之寄折衝禦侮坐肅蠻方第賞策勲徑濟法從掇承休
于詔檢用參決于籌帷行奉湛恩入居邇弼某承移書
之未果忽杜教之先臨悚佩兼深敷陳罔既

達文太師狀

欽定四庫全書

五百家播芳大全文粹
卷四十九

五

伏審衮衣去國官鑰均勞屬官制之所嬰展郊違而莫
遂瞻企旌旆某下情不勝依戀之至

達文太師致仕狀

近審勤叩冕旒上還印紱寵名烜赫崇冠于廟朝勲德
嵯峨榮傳于海宇年雖致事忠弗忘君伏以某官功贊
萬微材兼衆甫久告猷于丹扆早論道于黃扉百祿具
晚羣工式憲凝壽齡于衛武逾班品於裴公庸副傾祈
更希調護